



Esp. kodea: 2021KZUD0005
Titularra: ARRASATE ZIENTZIA ELKARTEA

Gaia: PDO PROYECTO PARA LA RECUPERACION
ESTETICA DE LA FUENTE DE ITURRIOTZ
Hasiera data: 2021/07/22

Arrasaten 2021eko urriaren 8an

Arrasate zientzia Elkarte eta Arrasateko Udalaren arteko lankidetzaren hitzarmena: 2021 urtea

Alde batetik Maria Ubarretxena Cid, Arrasateko Alkatea

Bestetik Javier Bengoa Leibar NAN 72.562.201 Arrasate Zientzia elkartearen presidentea

Alde biek hitzarmen hau sinatzeko gaitasuna aitortzen diote elkarri eta

ADIERAZI DUTE:

1.- Arrasate Zientzia Elkarte 1990 urtean sorturiko kultura elkarte da eta hauek dira erakundeak dituen helburu nagusiak:

- Arrasateko kultura eta natura ikertu, zabaldu eta gai horien inguruan aholkua ematea
- Ondarearen erabilera arrazionala bermatzeko Arrasateko baliabide historiko-artistiko eta naturalei buruz aholkua ematea
- Harremana eta lankidetzaren sustatzea antzeko helburua duten erakunde eta elkarteekin

2.- Arrasateko Udalak bere helburuen artean ditu Kultura ondarearen zaintza, kontserbazioa eta zabalkundea, bai eta herriko historiaren gaineko ikerketa bideratzea eta gizarteratzea ere.

3.- Bi erakundeak partekatzen dituzten helburuak ardatz hartuta Arrasate Zientzia Elkarteak 2021 urtean garatzeko ekintza zerrenda prestatu du, bai eta jarduera horiek burutzeko beharrezkoa izango litzatekeen diru baliabideen aurrekontua ere. Zerrenda horretatik adostu da proiektu zerrenda zehatza, hitzarmenaren xede izango dena

4.- Arrasateko Udalak Arrasate Zientzia Elkarteak azken urteotan burutu duen jarduera laguntzeko, bultzatzeko eta egonkortzeko helburuarekin aurreikusi du 2021ean udal aurrekontuan hitzarmen bidezko diru laguntza bideratzea elkarteak burutu asmo dituen proiektuak finantzatzeko.

5.- Hitzarmen hau gauzatzeko eskumena aitortzen dio Udalari 2/2016 Legeak, Toki Erakundeei buruzkoak. Legearen 17. Artikuluak jasotzen du Udalaren eskumen propioen artean haxe “21) Udal-ondare historikoa babestea eta kontserbatzea, eta babes-plan bereziak eta katalogoak egitea eta onartzea”.

Alde biak bat etorri dira lankidetzaren hitzarmen hau sinatzeko, honako klausulen arabera:

KLAUSULAK

Lehen: Arrasateko Udalak 10.456,32 euro bideratuko ditu 2021 urtean Arrasate Zientzia elkartearekin adostutako jarduerak —bigarren klausulan zehaztuak— finantzatzeko:

Bigarrena: Arrasate Zientzia Elkarteak 2021 urtean jarduera hauek burutzeko egitasmoa du:

- Jarduera arkeologikoak: Anporreta eta San Pedro Baseliza



Esp. kodea: 2021KZUD0005
Titularra: ARRASATE ZIENTZIA ELKARTEA

Gaia: PDO PROYECTO PARA LA RECUPERACION
ESTETICA DE LA FUENTE DE ITURRIOTZ
Hasiera data: 2021/07/22

- Iturriotza iturriaren berreskuratzea
- Hitzaldi zikloa
- Hainbat (lokalaren mantenua, hainbat erosketa eta gastu arruntak)

Proiektu zerrenda hau ez da itxia, eta gora beherak izan ditzake sor litezkeen lehentasun berrien arabera edota egitasmoen gauzatzeak ekar dezakeen aurrekontu aldaketak direla medio.

Hirugarrena: Laguntza ordainduko da bi zatitan:

- Laguntzaren %60, 6.453,79 euro, hitzarmena sinatu eta epe laburrean.
- Gainerakoa laguntzaren justifikazioa aurkeztu ondoren. Justifikazioa aurkeztu beharko da 2022ko urtarrilaren 15a baino lehen eta egin ahal izango da 2021eko laguntza deialdiak jasotako moduetako baten.

Laugarrena Arrasate zientzia Elkarteak aholkua emango dio Arrasateko Udalari natura ondarea edo kultura ondarearen gainean.

Bosgarrena: Arrasate Zientzia Elkarteak kaleratzen dituen kartel edota gainerako inprimaki eta abarretan, nahiz jendaurrean edota hedabideen aurrean egiten dituen agerraldietan Arrasateko Udalaren laguntza jasotzen duela adierazi beharko du.

Seigarrena. Hitzarmen honen bidez finantzatuko diren jardueren ondorioz lortutako emaitzen titulartasuna Arrasate Zientzia Elkartearena eta Arrasateko Udalarena izango da. Biek ala biek erabil ahal izango dituzte emaitza horiek erakundeek argitara eman ditzaketan informazioetan edozein dela euskarria.

Zazpigarrena. Hitzarmenaren jarraipena egiteko osatutako da lantaldea. Lantaldea hauek osatuko dute: Arrasateko Udalaren ordezkariak izango dira Kultura eta Euskara Batzordeko burua eta Kultura teknikaria, eta Arrasate Zientzia elkartearen ordezkariak izango dira Javier Bengoa eta Jose Angel Barrutibengoak, eta hiru hilabetetik behin elkartuko dira proiektuen garapenaren berri izateko.

Zortzigarrena: Indarraldia. Hitzarmen honen indarraldia 2021eko abenduaren 31 artekoa izango da.

Ados daudela adierazteko alde biek hitzarmen hau sinatu dute idazpuruan adierazitako egun eta lekuan